




DS  
796  
H2475  
1731  
v.2  
5











西湖志卷之三

名勝一

名區勝境天作地成而發越必應夫昌期蓋天日  
清明之會山川光氣日異歲新若啓其蘊而洩其  
藏理固然也西湖自

聖祖仁皇帝省方駐蹕

睿藻留題標勝蹟於寰區垂佳名於千古茲復奉

旨疏濬湖山效靈獻奇呈秀佳麗日增西湖名勝至今  
日而大備云志名勝



圖上

西湖全圖

聖因寺圖

聖祖仁皇帝御題十景圖

蘇隄春曉

雙峰插雲

柳浪聞鶯

花港觀魚

曲院風荷

平湖秋月

南屏曉鐘

三潭印月

雷峰西照

斷橋殘雪



錢塘八景圖

西湖本名錢塘湖故元時有錢塘十景之目因內兩峯白雲西湖夜月與

雙峰插雲平湖秋月  
義同故止錄八景

六橋煙柳

九里雲松

靈石樵歌

冷泉猿嘯

葛嶺朝暾

孤山霽雪

北關夜市

浙江秋濤











西湖全圖 西湖在浙江會城之西方廣三十里受  
武林諸山之水下有淵泉百道潴而爲湖蓄潔傳  
深圓瑩若鏡中有孤山獨峙水心山之前爲外湖  
山後曰後湖西亘蘇隄隄以內爲裏湖湖分爲三  
而路則有五由白沙隄入經孤山而西屈蘇隄合  
趙隄楊隄爲一路曰孤山路出湧金門而南經南  
屏山至南高峰復自方家峪經龍山越鳳凰山達  
錢塘江爲一路曰南山路由湧金門之北經錢塘  
門循葛嶺入靈竺至北高峰爲一路曰北山路面



臨吳山背負西溪又各爲一路曰吳山路曰西溪  
路風景天成形勝地設

翠華之所臨幸

聖藻之所留題以及名賢肇跡之地仙佛之宮高隱之  
室與夫忠孝節烈凡功德之在人者俎豆薦歆之  
宇遠近相屬樓臺錯峙亭館銜接金碧輝映昔人  
擬之十洲三島有非圖畫所能盡者茲第標舉大  
凡括其梗概薈萃尺幅繪爲總圖而湖山名勝星  
羅碁布如在几席間矣



聖因寺圖

西湖

卷三

四









聖因寺 寺在孤山最高處康熙四十六年

聖祖仁皇帝省方南巡駐蹕於此臣民懽忭踴躍新建

行宮雍正五年

皇上聖孝純誠俯順浙民愛戴思慕之忱即其地虔供

法王祝頌

聖德神功於萬世

欽頌

御書聖因寺額寺中建

萬歲樓丹雘翬飛聳峙霄漢南臨聖湖羣峰環繞拱護



宸居恭奉

聖祖仁皇帝神御龍帷赫曦寶座璀璨日月夾輔風雲扈  
從佳氣氤氲以拂窗瑞煙搖颺以出棟萬姓衣冠  
瞻仰樓下凜然有

天威咫尺之義焉自樓而西爲步廊前後交通夾以修篁  
映以佳卉自步廊而南爲雲岫閣前眺秦望諸山  
隱見天際閣下爲望月臺廣可數十武文石如玉  
朱欄界之臺下爲垂釣磯峭石側立水中循崖由  
仄徑而度磯旁爲水亭自亭而西爲雙桂軒內樹



穹碑恭摹

皇上御書澤永湖山四字軒前古桂二株團圞素影枝  
葉交映花時香聞數里由軒而東渡石梁爲光碧  
亭亭後因山累石峒嶢岑立秀削玲瓏莫可名狀  
從此歷石磴而上有泉泓然

御題曰淳泉石壁摩崖刻

聖製詩一首

臨池懷雅則采秀在山青每念風波息心寬與水平

迤東爲西湖山房石壁五色橫列如屏東有小龍



泓清澈可鑑又北爲攬勝齋高敞宏麗正對吳山  
聖製行宮雨中望吳山詩

檻外青山縱目收○繁花初露葉新稠○更教點染煙雲色○  
添得窗前翠欲流○

庭中奇石森秀喬木蒼潤髣髴雲林筆意又東爲  
涵清居爲第一樓最後修竹萬竿中爲六角亭山  
色湖光盡在目睫蓋全湖之勝悉攬於聖因寺而  
寺中之勝咸萃於

萬歲樓洵明聖之福地也

詩紀  
寺觀



蘇堤春曉

西湖三十六

卷三









西湖志卷三  
蘇堤春曉 宋元祐間蘇軾築堤湖上自南山抵北

山夾道植柳林希榜曰蘇公堤

國朝康熙三十八年恭遇

聖祖仁皇帝南巡

御書蘇堤春曉爲十景之首爰建亭於望山橋之南敬懸宸翰并勒貞珉於亭內雍正二年奉

旨開濬西湖增培堤岸補植桃柳八年總督臣李衛以

亭隘不稱觀瞻改建岑樓構曙霞亭於後棖楠凌

雲簷牙浸水春時晨光初啓宿霧未散雜花生樹



飛英蘸波紛披掩映如列錦鋪繡都人士攬其勝

者咸謂四時皆宜而春曉為最云

宋王洵蘇堤春曉詩孤山落月

趁疎鐘畫舫參差柳岸風鶯夢初醒人未起金鴉

飛上五雲東元尹廷高蘇堤春曉詩翰苑仙人去

不還長留遺跡重湖山一鈎殘月鶯呼夢詩在煙

光柳色間明聶大年蘇堤春曉詩樹煙花霧遠堤

沙樓閣朦朧一半遮三竺鐘聲催落月六橋柳色

帶棲鴉綠窗睡覺聞啼鳥綺閣粧殘喚賣花遙望

酒旗何處是炊煙起處有人家明楊周蘇堤春曉

詩柳暗花明春正好重湖霧散分林杪何處黃鸝

破暝煙一聲啼過蘇堤曉明陳霆蘇堤春曉詩杏

花梢上闌殘月楊柳枝頭啼百舌東風吹醒湖上

春綠霧紅煙曉明滅須臾日出湖舫行賣花遙聽

沿堤聲游絲貼地不得起隨風絆住紅蜻蜓明邵

寧泰蘇堤春曉詩紅樓垂幕倚雲高堤上花明照

錦袍十二銀鈎新搭起馬蹄驕處語嘈嘈宋陳允



平蘇堤春曉探春詞上苑烏啼中洲鷺起疎鐘纔  
度雲窈篆冷香篝燈微塵幌殘夢猶吟芳草搔首  
捲簾看認何處六橋煙柳翠舳纔艤西泠趁取過  
湖人少掠水風花繚繞還暗憶年時旗亭歌酒隱  
約春聲鈿車寶勒次第鳳城開了惟有踏春心縱  
早起不嫌寒峭畫欄閑立東風舊紅誰掃宋周密  
蘇堤春曉木蘭花慢詞恰芳菲夢醒漾殘月轉湘  
簾正翠崦收鐘形墀放仗臺榭輕煙東園夜游乍  
散聽金壺逗曉歇花籬宮柳微開露眼小鶯最泥  
春眠冰奩黛淺紅鮮臨曉鏡競晨妍怕誤却佳期  
宿粧旋整忙上雕軒都緣探芳起早看堤邊早已  
有開船微帳殘香剩蠟有人殢酒厭厭宋張矩蘇  
堤春曉應天長詞曙林帶暝晴靄弄霏鶯花未認  
游客草色舊迎雕輦蒙茸暗香陌秋千架間曉索  
正露濕繡鴛痕窄費人省隔夜濃歡醒處先覺重  
過湧金樓畫舫紅旌催向斷橋泊又怕晚天無準  
東風妬芳約垂楊岸今勝昨水院近占春先酌恁  
時候不道歸來香燼燈落明莫璠蘇堤春曉蝶戀



花詞十里樓臺花霧繞宜雨宜晴山色籠春曉楊  
柳梢頭殘月小海棠枝上猶眠鳥蘭帳玉人初睡  
覺試問樓前畫舫開多少報道尋芳人起早紫騮  
嘶過香塵道明瞿佑蘇堤春曉買陂塘詞望西湖  
柳煙花霧樓臺非遠非近蘇堤十里籠春曉山色  
空濛難認風漸順忽聽得鳴榔驚起沙鷗陣瑤堦  
露潤把繡幕微寒紗窗半啟未審甚時分憑闌處  
水影初浮日暈游船未許開盡賣花聲裏香塵起  
羅帳玉人猶困君莫問君不見繁華易覺光陰迅  
先尋芳信怕綠葉成陰紅英結子留作異時恨明  
馬洪蘇堤春曉南鄉子詞煙樹帶鶯啼催得紗窗  
月漸低金鎖嚴城開四扇開齊縹緲樓臺影尚迷  
已有玉驄嘶花露香塵踏作泥可是  
尋芳人起早相攜占斷風流向此堤



雙峰插雲

北高峰









西湖志卷三  
雙峰插雲 南高北高兩峰相去十餘里中間層巒  
疊嶂蜿蜒盤結列峙爭雄而兩峰獨以高名爲會  
城之巨鎮山勢旣峻能興雲雨故其上多奇雲山  
峰高出雲表時露雙尖望之如插宋人稱兩峰插  
雲爲十景之一康熙三十八年

聖祖仁皇帝臨幸西湖

御題十景改兩峰爲雙峰構亭於行春橋之側適當兩峯

正中崇奉

奎章并恭摹勒石建



御書碑亭於後繚以周垣丹革翬飛與雙峰對峙每春秋

佳日憑欄四望儼如天門雙闕拔地撐霄祥雲靉

靄隨風卷舒日光遙映常現五色太平雲物之瑞

茲焉可觀矣

宋王洧兩峯插雲詩浮屠對立曉崔嵬積翠浮空霽靄迷試向鳳凰山上

望南高天近北煙低元尹廷高兩峯插雲詩嶙峋

對峙勢爭雄古塔疎林杳靄中寫盡西湖煙雨障

雙尖如筆閣晴空明萬達甫兩峯插雲詩一葦清

光萬頃波兩峰凝黛獨嗟峨松篁影裏開朱閣坐

看雲生上薜蘿明聶大年兩峰插雲詩屹立亭亭

入杳冥勢雄南北氣憑陵玉簪拔地三千仞寶蓋

撐空一七層天遠不聞風外鐸夜深遙禮月邊燈

何當一掃浮雲淨起視東溟看日昇明張寧兩峰

插雲詩南峯雲乍晴北峯雲欲雨中有化霖人高

眠兩峰裏宋陳允平兩峰插雲波羅門引詞髻鬟



對聳萬松扶玉上青冥。西風共倚煙南水。北石荒  
 苔老三十六梯平。愛翠尖如削。天外亭亭高寒夢。  
 驚是何夕墮雙星。無限蒼崖紫岫。誰拊棱層薜蘿。  
 深處算少年游屐幾番登。河漢近。疑在蓬瀛。宋周  
 密兩峰插雲木。蘭花慢詞碧尖相對處。向煙外挹  
 遙岑。記舞鷺啼猿。天香桂子曾去幽尋。輕露易晴  
 易雨。看南峰淡日北峰雲。雙塔擎秋露。冷亂鐘曉  
 送霜清。登臨望眼增明。沙路白。海門青。正地幽天  
 迴。水鳴山籟。風奏松琴。虛楹半空聚遠。倚欄干暮  
 色與雲平。明月千巖夜午。遡風跨鶴吹笙。宋張矩  
 兩峰插雲應天長。詞暮屏翠冷。秋樹赭疎。雙峯對  
 起南北。好與霽天相接。浮屠現西極。岵毳處雲共  
 碧。謾費盡少年游屐。故鄉遠。一望空遙。水斷煙隔。  
 閒凭湧金樓。激灩波心。如洗夢淹筆。喚起睡龍蒼  
 角。盤空壯商色。西湖路成倦客。侍倩寫素練千尺。  
 便歸去。酒底花邊。猶自看得明。莫瑤兩峰插雲蝶。  
 戀花詞。南北高峰雲氣繞。玉削芙蓉。迴出青天表。  
 金碧浮圖瞻縹緲。朱甍繡檻迎黃道。下界紅塵飛



不到東望形庭日出扶桑曉願借謫仙希有鳥瑤  
笙歛上蓬萊島明瞿佑兩峰插雲買陂塘詞望西  
湖兩峯齊聳亭亭南北相對玉山高並三千丈俯  
視渺茫塵界雲鬢遮不盡七層窗戶雙飛蓋經  
時歷代向僧定人歸鈴音似語也似說成敗凭闌  
處幾度晴明陰晦山光依舊如黛白衣蒼狗多更  
變識破世間情態君莫恠君不見英雄往日今何  
在羣仙久待便乘以清風問之明月穩跨大鵬背  
明馬洪兩峯插雲南鄉子詞萬仞碧陵增華蓋陽  
明比未能名作擎天雙玉柱相應絕頂三更見日  
升聞說住山僧上界仙人喚得應待我  
秋清遊興動須登試到青雲第一層



柳浪聞鶯

三

卷三

三






西湖志

卷三名勝一

古





柳浪聞鶯 柳浪橋宋時在清波門外聚景園中今

已無考康熙三十八年

聖祖仁皇帝御書柳浪聞鶯扁額崇奉於湧金門之南創

建亭榭恭勒

御碑其地爲靈芝寺顯應觀故址緣隄植柳北接亭子灣

即古所稱柳洲是也背負雉堞面臨方塘架石梁

於上柳絲踈地輕風搖颺如翠浪翻空春時黃鳥

睨睨其間流連傾聽與畫舫笙歌相應答云

宋王有柳

浪聞鶯詩如簧巧轉最高枝弱柳新縑萬縷絲翠

鳳不來春又老聲聲訴與落花知元尹廷高柳浪



聞鶯詩晴波淡淡樹冥冥。亂擲金梭萬縷青。應恠  
園林風景別。數聲姪姪不堪聽。明萬達甫柳浪聞  
鶯詩柳陰深靄玉壺清。碧浪搖空舞袖輕。林外鶯  
聲聽不盡。畫船何處又吹笙。明聶大年柳浪聞鶯  
詩雨後翻空一派青。蘇公堤畔繫漁舸。只藏鶯鳥  
春聲滑。不起魚龍夜氣醒。游子愛聞停玉勒。佳人  
倦聽倚銀屏。待看三月歌喉老。又見浮波絮作萍。  
明張寧柳浪聞鶯詩藜杖憇蘇灣。風溫翠漲間鶯  
聞雙語鳥。如在畫船間。明湯煥柳浪聞鶯詩麴塵  
楊柳漸藏鶯。况是湖南雨乍晴。疊浪欲粘天際水。  
因風如訴路傍情。雙雙低度渾愁濕。婉婉清歌直  
妒輕蹠。躑躅馬蹄搖曳櫓。醉醒猶聽隔林聲。宋陳允  
平柳浪聞鶯黃鶯兒詞六波煙黛浮空遠。南陌嚶  
嚶喬木初遷。紗帳無眠。畫闌憑曉看並宿。綠暗黃  
深。織霧金梭小。那人攜酒聽詩料。把春來詩夢驚  
覺。飛遶翠接斷橋雲。綠漾新堤草。數聲嬌轉。婉婉  
如愁。調簧弄歌尖巧。隨燕啅軟塵低。蝶安游絲裊  
最憐。舞絮飛花喚却東風老。宋周密柳浪聞鶯木



蘭花慢詞晴空搖翠浪書禽靜霽煙收聽暗柳啼  
 鶯新簧弄巧如度秦謳誰抽翠絲萬縷颺金梭宛  
 轉纖芳愁風裊餘音甚處絮花三月宮溝扁舟纜  
 繫輕柔沙路遠倦追遊望斷橋殘日蠻腰競舞蘇  
 小墻頭偏憂杜鵑喚去愛綿蠻竟日挽春留啼覺  
 瓊疏午夢翠丸驚度西樓宋張矩柳浪聞鶯應天  
 長詞翠迷倦舞紅駐老粧流鶯怕與春別過了禁  
 煙寒食東風顫環鐵游人恨柔帶結更喚醒羽喉  
 宮舌畫船遠不認綿蠻晚棹空歇爭似湧金樓燕  
 燕歸來鉤轉暮簾揭對語畫梁消息香泥砌花屑  
 昆明事休更說費夢繞建章宮闕曉啼處穩繫金  
 狨雙鐙籠月明莫瑤柳浪聞鶯蝶戀花詞西子湖  
 頭春過半萬縷垂楊淘似波紋亂黃褪綠勻誰暗  
 換俊游來繫花驄慣紅喙嬌鶯啼緩緩韻叶笙簧  
 幾被風吹斷惱亂佳人停鳳管背花偷把春纖按  
 明瞿佑柳浪聞鶯買陂塘詞望西湖六橋新柳曉  
 煙籠絡不定迎風翠浪高低起天賦水情雲性宜  
 掩映都漲滿杏花深蒼桃花徑青濃綠淨看鷗鷺



驚飛魚龍起舞。畫幟去相並。憑欄處。兩兩金梭拋。  
競綿蠻巧語如詠。銀屏記豆紅牙按。啼起去年游  
興。君莫聽。君不見。歌樓多少新翻令。鳳笙同韻好。  
留取長條。渭城朝雨。重與故人贈。明馬洪柳浪聞。  
鶯南鄉子詞。翠浪擁層層。千樹垂楊。颭曉晴。兩箇  
黃鸝偏得意。和鳴疑奏鸞簫。與鳳笙。金彈莫相驚。  
正是蘭舟送客行。似惜春光如。如。  
畫裏閒情。欲別頻啼四五聲。



花港觀魚

西湖三十六

卷三

二六









花港觀魚

蘇堤第三橋曰望山與西岸第四橋斜

對水名花港通花家山山下有盧園爲宋內侍盧  
允升別墅景物奇秀鑿池甃石引湖水其中畜異  
魚數十種稱花港觀魚今盧園久廢建亭於花港  
之南當三台山出入之徑去定香寺故址數十步  
飛甍倒水重檐逼霄珠網綺疏輝映雲日旁濬方  
池清可鑑底揚鬢鼓鬣之狀鱗萃畢陳或潛深淵  
或跳清波以泳以游咸若其性至花事日增落紅  
千片飛隨水面與朱蘊碧藻點綴映帶游鯈唼喋



轉與人相忘雖濠濮之間無以踰此奉懸

聖祖仁皇帝御書花港觀魚扁額樓北建

御書碑亭後有高軒環以曲廊疊石爲山重門洞啓花徑

逶迤洵湖南絕勝也

宋王洎花港觀魚詩斷以惟餘舊姓傳倚欄投餌說當年

沙鷗曾見園興廢近日遊人又玉泉元尹廷高花

港觀魚詩細雨初收逐隊嬉何人注目俯寒漪紅

粧靜立欄干外吞盡殘香總未知明萬達甫花港

觀魚詩閒情都付笑歌頻緩步芳堤畫不塵風送

桃花隨釣艇一竿春色在漁人明湯煥花港觀魚

詩柳絲貼水荇浮花吹浪乘流上淺沙網罟見稀

常自得笙歌聽慣不知譚濠梁客到春波淨西塞

舟回暮雨斜掃石藉苔終日坐未須香餌共輪車

明陳霆花港觀魚詩晴江錦鱗衝絮煖風赤鯉吹

漚倚檻方看魚樂隔花又見漁舟明吳從先花港



觀魚詩餘紅水面惜殘春不辨桃花與錦鱗莫向  
 東風吹細浪鴛鴦驚起冷香茵宋陳允平花港觀  
 魚驀山溪詞春波浮淥小隱桃溪路煙雨林塘翠  
 不礙錦鱗來去芹香藻膩偏愛鯉花肥簷影下柳  
 陰中逐浪吹萍絮宮溝泉滑怕有題紅句釣餌已  
 忘機都付人間兒女濠梁興在鷗鷺笑人癡三湘  
 夢五湖心雲水滄茫處宋周密花港觀魚木蘭花  
 慢詞六橋春浪煖漲桃雨鰕初肥正短棹輕簑牽  
 簫符帶縈網蓴絲依稀岸紅遡遠泛仙舟誤入武  
 陵溪何處金刀玉膾畫船傍柳頻催花堤漸滿斜  
 暉舟葉亂浪花飛聽暮榔聲合鷗沉暗渚鷺起煙  
 磯忘機夜深浪靜任煙寒自載月明歸三十六鱗  
 過却素箋不寄相思宋張矩花港觀魚應天長詞  
 岸容浣錦波影墮紅纖鱗巧避鳬咳禹浪未成頭  
 角吞舟膽猶怯湖山水江海西怕自有暗泉流接  
 楚天遠尺素無期枉語停楫回望湧金樓帶草蠻  
 煙縹緲城堞漸見暮榔敲月輕舫亂如葉濠梁興  
 歸未愜記舊伴袖攜留招指魚水總是心期休怨



三疊明莫璠花港觀魚蝶戀花詞杜若浮香春霽  
雨浪煖桃花錦漲鴛鴦渚碧藻叢深菱葉底纖鱗  
吹沫搖蘋尾戲把金鉤垂綠水却憶雕闌翠袖人  
同倚腸斷蕭娘書一紙相思欲報憑雙鯉明瞿佑  
花港觀魚買陂塘詞望西湖兩堤新漲鄰鄰綠痕  
微起水香波煖魚初上來往岸脣沙嘴游棹艤又  
驚散茫然一去何曾止春融十里愛桃浪翻紅萍  
星散紫此樂可知矣凭闌處閒把金鉤垂水波心  
頻掣雙鯉纖絲暗逐長竿裊牽動一奩紋綺君莫  
喜君不見區區名利皆香餌朝恩暮已便紫綬金  
章不如簑笠長卧釣船裏明馬洪花港觀魚調寄  
南鄉子詞小港傍湖濬花影中間戲錦鱗魚識放  
生池有禁收綸水煖蘋香十里春休憶上龍門猶  
隔千山與萬津好向碧波深處去藏身無數花前  
人憶鱸



曲院風荷









曲院風荷 九里松傍舊有麴院宋時取金沙澗之

水造麴以釀官酒其地多荷舊稱麴院風荷

俗譌荷風

國朝康熙三十八年構亭於跨虹橋之北引流疊石爲

盤曲之勢

聖祖仁皇帝親灑宸翰改麴院爲曲院正荷風爲風荷恭

製扁額奉懸亭楣東建敞堂三楹又東建迎薰閣  
綺窗洞達四面皆可登眺又東爲望春樓前臨大  
堤游人繫馬垂楊輒登樓送目頓豁煩襟西則複  
道重廓雲窗月戶皆恭摹



南巡所賜諸臣御筆花時香風徐來水波不興綠蓋紅衣

照灼雲日仰瞻

聖藻穆然猶想見南風解愠時也

宋王洧麴院風荷詩避暑人歸自冷泉步頭雲

錦晚涼天愛渠香陣隨人遠行過高橋方買船元

尹廷高麴院風荷詩虛堂四面枕湖光醞作笑藻

萬斛香獨笑薰風更多事強教西子舞霓裳明萬

達甫麴院風荷詩小院深深夏日長荷花水畔好

徜徉午風消酒涼生簟別是瑤池一種香明張寧

麴院風荷詩涼氣度方洲香來水正流時聞採蓮

曲不見採蓮舟明湯煥麴院風荷詩金沙泉湛碧

醞麴麴院初開自宋都釀得荷花勝仙醴坐令游

女解明珠紅妝波颭青簾舫綠柄香浮白玉壺回

首西泠風露晚滿船涼月醉堪呼明王瀛麴院風

荷詩古來麴院枕蓮塘風過猶疑醞釀香薰得凌

波仙子醉錦裳零落怯新涼宋陳允平麴院風荷



八聲甘州詞放船楊柳下聽鳴蟬薰風小堤正煙  
 浪露蓼飛塵釀玉第五橋西遙認青羅蓋底宮女  
 夜遊池誰在鴛鴦浦獨棹玻璃一片天機雲錦見  
 凌波翠碧照日臙脂是西湖西子晴抹雨粧時便  
 相將無情秋思向菰蒲深處落紅衣醺醺裏半篙  
 香夢月轉星移宋周密麴院風荷木蘭花慢詞軟  
 塵飛不到過微雨錦機張正綠蔭池幽交枝徑窄  
 臨水追涼宮粧蓋羅障暑泛青蘋亂舞五雲裳迷  
 眼紅綃絳綵翠深偷見鴛鴦湖光兩岸瀟湘風薦  
 爽扇搖香算惱人偏是縈絲露藕連理秋房涉江  
 采芳舊恨怕紅衣夜冷落橫塘折得荷花忘却棹  
 歌又入斜陽宋張矩麴院風荷應天長詞換橋渡  
 艇添柳護堤坡仙舊欠今續四面水窗如染香波  
 釀春麴田田處成暗綠正萬羽背風斜矗亂鷗去  
 不信雙鴛午睡猶熟還記湧金樓共撫雕闌低度  
 浣紗曲自與故人輕別榮枯換涼燠亭亭影驚艷  
 目忍到手又成輕觸悄無語獨撚花鬚心事曾卜  
 明莫璫麴院風荷蝶戀花詞五月涼風來麴院綠



水芙蓉。紅白都開遍。風遞花香清不斷。採蓮舟過  
歌聲緩。醉折碧筒供笑玩。翠蓋紅綃高下翻零亂。  
向晚新涼醒酒面。六銖衣薄。停紈扇。明瞿佑麴院  
風荷買陂塘詞。望西湖藕花風起。紗窗午夢初覺。  
吳娃小艇貪遊戲。衝破浮萍一道。間自料多應是  
凌波競赴仙娥名。輕搖桂棹愛香袖。翻空明粧映  
水。齊唱採蓮調。凭闌處。兩岸波光相照。樓臺簾影  
顛倒。蜻蜒飛去鴛鴦散。應有玉顏歡笑。君莫謂君  
不見。流光過眼催年少。新涼又到。漸苦入芳心。絲  
纏香竅。荷背雨聲鬧。明馬洪麴院風荷南鄉子詞  
麴院水風涼。萬柄高荷掩鏡光。露浥翠盤何所似。  
琉璃瀉下波心水。亦香花氣襲羅裳。五月西湖錦  
繡鄉。畫舫採蓮誰氏女。  
紅粧去逐鴛鴦葉底藏。




平湖秋月

○



御書亭







西湖志卷三  
三  
平湖秋月 宋祝穆方輿勝覽序西湖十景首平湖  
秋月蓋湖際秋而益澄月至秋而逾潔合水月以  
觀而全湖之精神始出也宋時有龍王堂在蘇隄  
三橋之南明季移建孤山路口據全湖之勝後圯  
國朝康熙三十八年

聖祖巡幸西湖建亭其址前爲石臺三面臨水上懸  
御書平湖秋月扁額旁構水軒曲欄畫檻蟬聯金碧

濤藻輝煌與波光掩映每當清秋氣爽水痕初收皓魄中  
天千頃一碧恍置身瓊樓玉宇不復知爲人間世



矣

宋王洙平湖秋月詩萬頃寒光一夕鋪冰輪行處片雲無驚峰遙度西風冷桂子紛紛點玉壺

宋孫銳平湖秋月詩月冷寒泉凝不流棹歌何處泛歸舟白蘋紅蓼西風裏一色湖光萬頃秋元尹

廷高平湖秋月詩爛銀盤掛六橋東色貫玻璃徹底空千頃清光無着處夜深分付與漁翁明萬達

甫平湖秋月詩渺渺澄波一鏡開碧山秋色入杯來小舟撐出丹楓裏落葉輕風掃綠苔明聶大年

平湖秋月詩曾向湖堤夜扣舷愛看波影弄嬋娟一塵不動天連水萬籟無聲客在船赤壁未醒元

鶴夢驪宮偏熟老龍眠朗吟玉塔微瀾句長笑凌空氣浩然明張寧平湖秋月詩風靜片雲消寒波

浸涼月疑有夜吟人推篷落楓葉明湯煥平湖秋月詩千山暮靄秋漠漠湖心月上開冲融微波淪

漣水仙府靜影蕩漾鮫人宮瑶林灝氣湛虛碧金塘沆瀣浮輕紅孤蓬短笛冰雪裏安得元鶴凌剛

風明洪瞻祖平湖秋月詩秋舸人登絕浪皺仙山樓閣鏡中塵平分水月疑非夜亂墜天花不待春



十二星橋銀漢上。三千網界露珠新。銅壺滴盡笙  
歌沸。紅蓼開殘。又白蘋。宋陳允平。平湖秋月。秋霽  
詞。千頃玻璃。送遠目。斜陽漸下林間。題葉人歸。採  
菱舟散。望中天。水一色。碾空掛。魄玉繩低。轉雲無  
迹。有素鷗閑伴。夜深呼棹。過環碧。相思萬里。頓隔  
嬋媛。幾回瑤臺。同駐鸞翼。對西風。憑誰問。取人間  
那得有。今夕應笑。廣寒宮殿。窄露冷。煙澹。還有數  
點殘星。兩行新雁。倚樓橫笛。宋周密。平湖秋月。木  
蘭花慢。詞。碧雲澄暮靄。引瓊駕。碾秋光。看翠闕。風  
高珠樓夜午。誰搗元霜。滄茫玉田萬頃。趁仙槎。咫尺  
尺接銀潢。彷彿凌波步影。露濃環珮。衣涼鳴璫。淨  
洗新粧。隨皓影。過東牆。正霧衣香潤。雲鬟紺濕。私  
語相將。鴛鴦誤。驚曉夢。掠芙蓉。度影入銀塘。十二  
欄干佇立。鳳簫夜徹。清商。宋張矩。平湖秋月。應天  
長。詞。候蛩探暝。畫雁寄寒。西風暗剪。綃織。報道鳳  
城催鑰。笙歌散。無跡。冰輪駕星。緯逼漸欸。引素娥  
游歷。夜粧靚。獨展菱花。淡綯秋色。人在湧金樓。漏  
迴繩低。光重袖香滴。笑語又驚栖鵲。南飛傍林間。



山影波共碧。向此際隱逋如識。夢仙游。倚遍霓裳。  
何處聞笛。明莫璠平湖秋月。蝶戀花詞壁。月沉輝。  
湖淥靚。一色玻璃倒湛山河影。貝闕鱗宮明愈瑩。  
人間無此清涼境。笑擷芙蓉乘舴舨。醉掬文漪搖。  
動金千頃。欲喚坡仙同賦詠。桂花露濕衣襟冷。明  
瞿佑平湖秋月買陂塘詞望西湖斷虹收雨長天  
秋水一色姮娥捧出黃金鏡。照我清樽瑤席風浪  
息。想此際驪龍熟睡。鮫人泣吹殘短笛。對香霧雲  
鬟清輝玉臂。今夕是何夕。凭欄處聽盡更籌漏刻。  
人間此景難得滿身風露。颼颼冷何用水晶屏隔。  
君莫惜。君不見坡仙樂事俱塵迹。扁舟二客向赤  
壁。重游山。高水落孤鶴夢中識。明馬洪平湖秋月  
南鄉子詞月似白蓮浮水似瑤田綠。永流閒憶何  
時曾勝賞。中秋一瓣芙蓉是彩舟。風露冷颼颼水  
月仙人跨玉虬。笑道西湖元有對瀛洲。却在蓬萊最上頭。



南屏晚鐘









南屏曉鐘 南屏山在淨慈寺右興教寺之後正對

蘇堤寺鐘初動山谷皆應逾時乃息蓋茲山隆起  
內多空穴故傳聲獨遠舊稱南屏晚鐘

聖祖仁皇帝御書十景易晚鐘爲曉鐘蓋夜氣方清天籟  
俱寂鐘聲乍起響入雲霄致足發人深省也建亭  
於寺門之前面臨萬工池奉懸

宸翰並恭摹勒石於池北更建碑亭與震旦靈山永麗千

古云

宋王洵南屏晚鐘詩涑水崖碑半綠苔春游  
誰向此山來晚煙深處蒲牢響僧自城中應

供回元尹廷高南屏晚鐘詩縹緲雷峰隔上方數  
聲風送到幽窗柳昏花暝游人散付與山僧帶月



撞。明萬達甫南屏晚鐘詩。玉屏青嶂暮煙飛。紺殿  
鐘聲落翠微。小徑殷殷驚鶴夢。山僧歸去扣柴扉。  
明鼎大年南屏晚鐘詩。柳昏花暝暮雲生。隱隱初  
傳一兩聲。禪榻屢驚僧入定。旅窗偏逗客含情。月  
隨逸韻升鼇嶺。風遞餘音過鳳城。催散游人罷歌  
舞。玉壺銀箭夜初更。明湯煥南屏晚鐘詩。慧日峰  
高。巨剎開鐘聲。遙出暮雲來。風生古岸。蒹葭響月  
上。嚴城鼓角催。迢遞乍分燈火市。依稀還傍石經  
臺。摩空歸盡松間鶴。多少樓船未擬回。明楊周南  
屏晚鐘詩。重湖夜色已沉沉。樓閣參差半夕陰。南  
浦鐘聲和雨至。滿村漁火出前林。明王瀛南屏晚  
鐘詩。暝入南屏路不分。蓮臺梵唄寂無聞。長橋燈  
火僧歸急。百八鯨音出暮雲。宋陳允平南屏晚鐘  
齊天樂詞。赤欄橋畔斜陽外。臨江暮山凝紫。戲鼓  
纔停。漁榔乍歇。一片芙蓉秋水。餘霞散綺。正銀鑰  
停關。畫橈催艤。魚板敲殘數聲初入。萬松裏坡翁  
詩。夢未老。翠微樓上月。曾共誰倚。繡苑煙花。莓牆  
露草。幾度西風彈指。黃昏盡也。有眠月閒僧。醉香



游子驚嶺猿啼喚人吟思起宋周密南屏晚鐘木  
 蘭花慢詞疎鐘敲暝色正遠樹綠悵悵看度水僧  
 歸投林鳥聚煙冷秋屏孤雲漸沉雁影尚殘簫倦  
 鼓別游人宮柳棲鴉未穩露梢已掛疎星重城禁  
 鼓催更羅袖怯暮雲輕想綺疏空掩鸞綃翳錦魚  
 鑰收銀蘭燈伴人夜語怕香消漏永着溫存百八  
 聲聲淒緊錯教好夢難成宋張矩南屏晚鐘應天  
 長詞翠屏對晚鳥榜占堤鐘聲又斂春色幾度半  
 空敲月山南應山北歡娛地空浪跡謾記省五更  
 聞得洞天曉夾柳橋疎穩縱香勒前度湧金樓嘯  
 傲東風鷗鷺半相識暗數院僧歸盡長虹卧深碧  
 花間恨猶記憶正素手暗裁輕拆夜深後不道人  
 來燈細窗隙宋奚滅南屏晚鐘芳草詞笑湖山紛  
 紛歌舞花邊如夢如薰響音驚落日長橋芳草外  
 客愁醒天風吹送遠向兩山喚醒癡雲猶自有迷  
 林去鳥不信黃昏銷凝鈿車歸後一眉新月獨印  
 湖心葦宮相答處正巖虛谷應猿語香林笑酣紅  
 夢紫便市朝有耳誰聽恠玉兔金烏不換只換愁



人明莫璠南屏晚鐘蝶戀花詞翠巘深深幾許  
佛閣華鐘鯨吼西風裏回首南莊行樂地暝煙隔  
斷青蓮宇宴飲芳園人散去金鑰嚴城次第催將  
閉一望長橋燈火起絳紗影裏聯歸騎明瞿佑南  
屏晚鐘買陂塘詞望西湖暮天雲斂夕陽冉冉西  
墜落霞孤鶩齊飛處認得南屏古寺行樂處便一  
霎柳花催暝松煙翠鐘聲三四見竹院僧歸蘭舟  
人散寂寞鳳城閉凭欄處望斷朱樓十二有人獨  
自憔悴青禽不到紅兒去誰把錦書重寄君莫睡  
君不見月華星彩尤增媚張燈就醉怎料得明朝  
風吹雨過日出許多事明馬洪南屏晚鐘南鄉子  
詞金磬罷冷冷風裊鯨音出翠屏柳外高樓花底  
戶牕高却似楓橋半夜聽僧已了殘經香斷薰爐  
月滿庭百八寶珠閒捏遍聲停老鶴松間夢已醒



三潭印月

西湖志

卷三

三









三潭印月 東坡留意西湖極力濬復於湖中立塔  
以爲標表著令塔以內不許侵爲菱蕩舊有石塔  
三土人呼爲三塔基名勝志云舊湖心寺外三塔  
鼎立相傳湖中有三潭深不可測故建浮屠以鎮  
之南宋舊圖從南數湖中對第三橋之左爲一塔  
第四橋之左爲一塔第五橋之右爲一塔塔形如  
瓶浮漾水中所謂三塔亭亭引碧流是也成化後  
毀萬曆間濬取葑泥繞潭作埂爲放生池池外湖  
心仍置三塔以復三潭舊名月光映潭分塔爲三



故有三潭印月之目池上構亭恭懸

御書扁額復建小亭於池北以奉

御碑內置高軒傑閣渡平橋三折而入空明宵映儼然湖

中之湖夜涼人寂孤艇沿洄誠可濯魄醒心頓遣

塵慮也

宋王洵三潭印月詩塔邊分占宿湖船寶鑑開奩水接天橫笛吹雲何處起波心驚

覺老龍眠

元尹廷高三潭印月詩坡仙立塔據平

湖天影清涵水墨圖

夜靜老龍鱗甲冷冰壺深處

浴明珠

明萬達甫三潭印月詩青山如髻月華濃

塔影浮沉映水空

只恐清風生兩腋夜深飛入蘆

珠宮

明聶大年三潭印月詩纖雲掃迹浪花收塔

影亭亭引碧流

半夜冰輪初出海一湖金水欲鎔

秋龍宮獻壁神光吐

鮫室遺珠瑞氣浮浪說影娥

池上景

不知此地有仙舟明張寧三潭印月詩片



月生滄海三潭處處明。夜船歌舞處。人在鏡中行。  
 明湯煥三潭印月詩。露冷菰蒲海月懸。靜涵塔影。  
 倒深淵。入河漸欲沉。星斗隔浦同看。照管絃鏡水。  
 紋銷天一色。玉田煙斂界三千。游人倚棹還相語。  
 分得驪珠處處圓。宋陳允平三潭印月渡江雲詞。  
 三神山。路杳六鼇駕。浪幻境出西湖。水連天。四遠。  
 翠臺如鼎。簇簇小浮屠。煙沉霧迴。恹樓飛入清。  
 虛秋夜長。一輪蟾素。漸漸出雲衢。遙看寒光金鏡。  
 皓彩明璫。正人間三五。總輸與鷗眠。葑蓼鷺立菰。  
 蒲笙歌喚醒魚龍。睡向貝闕爭取明珠清夢斷。西。  
 風醉宿冰壺。宋周密三潭印月木蘭花慢詞。游船。  
 人散後。正蟾影瀉寒秋。看冷沁蛟眠。清宜兔浴。皓。  
 彩輕浮。扁舟蕩搖鏡裏。溯流光。澄碧浸明眸。栖鷺。  
 空驚碧草。素鱗遠避金鉤。臨流萬象涵秋。懷渺渺。  
 思悠悠。念漢皋遺珮。湘波步襪。空記仙游。風收翠。  
 奩乍啟。度飛星倒影。入芳洲。瑤瑟誰彈。鴈柱渚宮。  
 夜舞潛虬。宋張矩三潭印月應天長詞。桂輪逼彩。  
 菱沼漾金。潛虬暗動蛟室。水露乍凝。霜雪明眸洗。



春色年時事。還記憶。對萬頃葑痕。龜拆舊游處。不  
認三潭。此際曾識。今度湧金樓。素練紫窗。頻照庾  
侯席。自與影娥。又約移舟。弄空碧。輕風悄。籤漏滴。  
那便許。籠燈相覓。有時縱月被雲妨。歸也未得。明  
莫璠。三潭印月。蝶戀花詞。秋盡寒潭。澄見底。玉色  
蟾蜍。飛入清冷水。熟睡驪龍呼不起。領珠光照冰  
壺裏。讌賞此時。能有幾。遙憶同歡。今夜人千里。試  
問龍淵深幾許。騎鯨欲共嫦娥語。明瞿佑三潭印  
月買陂塘詞。望西湖暮蟾初出。金波十里如寫。就  
中勝景三潭好。不照綺羅游冶。誰與話。問素娥廣  
寒獨宿。何曾嫁。纖雲乍惹。看笑弄蘭芳。輕搖桂影。  
拭目辨真假。凭欄處。儘把閒情陶寫。水輪容易西  
下。舞衫踏破歌裙。起更添蕭灑。君莫捨。君不  
見。世間誰是長年者。今宵醉也。任顛倒。綸巾淋漓  
宮錦。休放碧瑤竿。明馬洪三潭印月南鄉子詞。潭  
水碧。涵天冷。浸中宵。皓月圓。寫出嫦娥真面目。嬋  
娟絕勝瑤臺跨鳳仙。潭底是龍淵。翠戶珠宮玉  
作田。神物也。耽良夜景。蜿蜒抱得明珠喜不眠。



雷峰西照


西湖志

卷三

三









雷峰西照 淨慈寺北有山自九曜峰來逶迤起伏  
爲南屏之支脉昔郡人雷就居之因名雷峰吳越  
王妃建塔於峰頂每當夕陽西墜塔影橫空此景  
最佳林逋雷峰詩云夕照前村見故十景有雷峰  
夕照之目

聖祖仁皇帝御書改夕照爲西照遂於雷峰之西築亭以  
奉扁額因摹穹碑於亭後塔上向有重檐飛棟窗  
戶洞達後燬於火孤塔巋然獨存磚皆赤色藤蘿  
牽引蒼翠可愛日光西照亭臺金碧與山光倒映



如金鏡初開火珠將墜雖赤城棲霞不是過也宋王

消雷峰夕照詩塔影初收日色昏隔牆人語近甘  
園南山游遍分歸路半入錢塘半暗門元尹廷高  
雷峰夕照詩煙光山色淡冥蒙千尺浮圖兀倚空  
湖上畫船歸欲盡孤峰猶帶夕陽紅明萬達甫雷  
峰夕照詩夕陽斜照在湖湄雁落風清埜色宜更  
有小橋流水處棹歌聲斷樹陰移明湯煥雷峰夕  
照詩迴岡夾水塔入雲西當落日千巒分黃金界  
寬樹影盡白鶴巢老枝撐焚南高黛色晚逾重北  
山蒼靄晴光曛飛節更覓上頭望人間萬象俱氤  
氲明王瀛雷峰夕照詩暝色霏微入遠林亂山圍  
繞半湖陰浮圖會得游人意挂住斜陽一抹金宋  
陳允平雷峰夕照掃花游詞數峰蘸碧記載酒甘  
園柳塘花塢最堪避暑愛蓮香送晚翠嬌紅嫵欸  
乃菱歌乍起蘭橈競舉日斜處望孤鶩斷霞初下  
芳杜遙想山古看倒影金輪遡光珠戶暝煙帶樹  
有投林鷺宿凭樓僧語可惜流年付與朝鐘暮鼓



謾凝眸。步長橋。月明歸去。宋周密。雷峰夕照。木蘭  
 花慢詞。塔輪分斷雨。倒霞影。漾新晴。看滿鑑春風。  
 輕橈占岸。疊鼓收聲。簾旌半鉤。待燕漸香。濃徑杳  
 攢蜂程陌上人。扶醉玉。路傍懶拾遺簪。郊坰未厭  
 游人。雲暮合。謾銷凝。想舞茵歌席。煙花露柳。都付  
 棲鶯。重闌已催鳳鑰。正鈿車繡勒。入爭門。銀燭擎  
 花。夜煖玉街淡。月黃昏。宋張矩。雷峰夕照。應天長  
 詞。磬圓樹杪。舟亂柳津。斜陽又滿東角。可是暮情  
 堪剪。平分付煙郭。西風影。吹易落。認滿眼。脆紅光  
 爍。算惟有。塔起半輪千載如昨。誰信湧金樓。此際  
 憑欄人。共楚天約。準擬換樽陪月。繒空捲。塵幙飛  
 鴻倦。低未泊。鬪倒指。數來還錯。笑聲裏。立盡黃昏  
 剛下簾箔。明莫璠。雷峰夕照。蝶戀花詞。古塔斜陽  
 紅欲暝。西崦人家。半在桑榆影。水印殘霞如濯錦。  
 煙花佛國。非凡境。十里畫船歸欲盡。漁唱菱歌。別  
 是湖中景。待月有人樓上等。珠簾半捲。闌重凭。明  
 瞿佑。雷峰夕照。買陂塘詞。望西湖。雷峰隱隱。霞光  
 雲彩。紅粲相輪高聳。猶難礙。何況鈴音低喚。堪愛



玩最好。是前山。紫翠峰。腰斷平。街一半。似金鏡。初  
分火珠將墜。萬丈瑞光散。憑欄處。催罷舞羣歌伴。  
游船競泊芳岸。雕軒繡勒。爭門入。贏得六街塵亂。  
君莫歎。君不見。疎星淡月橫微漢。敲碁待旦。聽鯨  
吼華鐘。鼉鳴急鼓。光景暗中換。明馬洪雷。峰夕照  
南鄉子詞。高塔聳層層。斜日明時。景倍增。常是游  
湖船。攏岸尋登。看遍千峰。紫翠凝。暮色滿觚棱。留  
照溪邊。掃葉僧。鴉背分金。猶未了。生憎幾處人家  
燈。又上。



斷橋殘雪









斷橋殘雪

出錢塘門循湖而行入白沙堤第一橋

曰斷橋界於前後湖之中水光艷潏橋影倒浸如玉腰金背凡探梅孤山蠟屐過此輒值春雪未消葛嶺一帶樓臺高下如鋪瓊砌玉晶瑩朗徹不啻玉山上行昔人稱詩思在灞橋雪中比較更勝

聖祖仁皇帝五幸西湖皆大地陽和之日而

御題十景特書斷橋殘雪蓋積素凝華實爲三農瑞應而名區勝地正宜常施粉繪以潤色太平爰於橋上構亭中懸



宸翰更勒

御碑於橋北每當六出飛霏條風將至寒巖深谷尚積餘

光塢頂峰頭猶餘片白誠熙時之上瑞也

宋王洧

雪詩望湖亭外半青山跨水修梁影亦寒待伴痕  
邊分草綠鶴驚碎玉啄欄干元尹廷高斷橋殘雪  
詩數板瓊瑤踏未乾沉吟不度據征鞍孤山霽色  
無尋處笑指梅花隔翠寒明萬達甫斷橋殘雪詩  
瓊瑤漫地隔塵氛凍雪初晴樹漸分想得梅花無  
好句寒驢橋畔見林君明聶大年斷橋殘雪詩醉  
裏曾登白玉梯東風吹暖又成泥玉腰蟬螭垂天  
闊金脊樓臺夾岸迷九井晴添新水活兩峰濃壓  
宿雲低衝寒爲訪梅花信十里銀沙印馬蹄明湯  
煥斷橋殘雪詩寶石山前雪欲晴西冷西去少人  
行葳蕤竹柏丹梯路隱映樓臺白玉京北嶺乍聽  
寒溜斷南坡猶見凍雲平瀛洲與近香風滿不待



攀林酒易傾。明楊周斷橋殘雪詩。澄湖曉日下晴  
湍。梅際冰花半已闌。獨有斷橋荒蘚路。尚餘殘雪  
釀春寒。明王瀛斷橋殘雪詩。泉脉初融漾斷橋。  
花開遍小橋西。東君似助尋詩興。留得瓊瑤襯馬  
蹄。宋陳允平斷橋殘雪百字令詞。凝雲互曉。正縈  
花纔積。荻絮初殘。華表翩躚何處。鶴愛吟人在。孤  
山凍解。苔鋪水融。莎甃誰凭玉勾闌。茸衫檀帽。令  
香吹上吟鞭。將次柳際瓊消。梅邊粉瘦。添做十分  
寒。閒踏輕澌來薦菊。半潭新漲微瀾。水北峰巒。城  
陰樓觀。留向月中看。巖雲深處。好風飛下。晴湍宋  
周密斷橋殘雪木蘭花慢詞。覓梅花信息。擁吟袖。  
暮鞭寒。自放鶴人歸。月香水影。詩咏孤山等閒。泮  
寒。明暖看融成。御水到人間。瓦隴竹根更好。柳邊  
小駐。遊鞍琅玕半倚雲灣。孤棹晚載詩還。是醉魂  
醒處。畫橋第二。奩月初三。東關有人步玉。怕水泥  
沁濕錦鴛班。還見晴波漲綠。謝池夢草相關。宋張  
矩斷橋殘雪應天長詞。梵剎近曉。篙水漲漪。孤山  
漸捲雲簇。又見岸容舒臘。菱花照新沐。橫斜倒。香



未北倩點綴數梢疎玉斷腸處日影輕消休怨霜  
竹簾上湧金樓酒艷酥融金縷試春曲最好半殘  
鳩鵲登臨快心目瑤臺夢春未足更看取灑窗填  
屋灞橋外柳下吟鞭歸趁游燭明莫璫斷橋殘雪  
蝶戀花詞快雪時晴寒尚五玉屑銀沙紛滿湖南  
路一道垂虹如約素裙腰草色非前度斷缺遺環  
愁日暮想像凌波羅襪應難步欲探梅花無處所  
山童指點逋仙墓明瞿佑斷橋殘雪買陂塘詞望  
西湖玉花飄後嫩寒猶自凝五瑤臺夢破飛瓊老  
惆悵今吾非故斜日暮試指點畫橋南北經行路  
佳期又設正環玦隨波淚鉛成水流入裏湖去憑  
欄處十里銀沙分布香泥深阻行路孤山欲訪梅  
花信除是扁舟飛渡君莫訴君不見酒樽誰酌逋  
仙墓詩魂未遇但寂寞黃昏月香水影吟盡斷腸  
句明馬洪斷橋殘雪南鄉子詞雪覆畫欄橋銀背  
鯨鯨不動搖題柱相如閒袖手無繆錯認梅花昨  
夜飄步步踏瓊瑤猶勝山僧立到腰紅  
日漸高風漸暖旋銷添作春波送畫橈




六橋煙柳

西湖志

卷三

三





西湖志

卷之二 名勝

天





六橋煙柳

六橋一名映波一名鎖瀾一名望山一

名壓隄一名東浦一名跨虹在蘇堤上宋蘇軾築

堤爲橋以通南北路沿堤植柳軾詩所謂六橋橫

截天漢上大堤楊柳多昌丰是也柳性宜水其色

如煙煙水空濛搖漾於赤欄橋畔史稱望之如圖

畫信然

明高得暘六橋煙柳詩畫橋六曲遶湖頭最愛晴煙柳上浮淺水籠雲橫暈靄微風

薰暖弄輕柔金梭隱見聞黃鳥錦纜縈紆出綵舟

遍倚赤欄頻注目爲憐張緒舊風流明凌雲翰六

橋煙柳詩疎柳長煙遠自迷六橋南北帶沙堤亂

分雌霓連蜷固深蔽嬌鶯自在啼紅出天桃銷處

薄翠愁芳草望中低赤欄干外清陰滿曾見蘇公

過馬蹄明無名氏六橋煙柳詩綠暗青濃乍有無




曉鶯啼罷尚藏烏。隨風不入五侯宅。帶雨半遮西  
子湖。舞徹細腰曾擅楚。睡酣嬌眼欲傾吳。蘇公舊  
日經行處。夾道低迎鵲尾爐。



九里雲松

卷三

三









九里雲松

唐刺史袁仁敬植松於行春橋西達靈

竺路左右各三行每行相去八九尺蒼翠夾道陰

靄如雲日光穿漏若碎金屑玉人行其間衣袂盡

綠今舊松多不存而新植者已漸如偃蓋時時與

靈山白雲相接故曰雲松

明高得暘九里雲松詩

松雲一徑開雨氣直從天

喬松萬樹總良材九里

人行道上依濃樾子落僧階點嫩苔山水清輝增

偉觀託根原不愧徂徠明凌雲翰九里雲松詩九

里閒雲萬樹松經行記得舊時蹤黃金曾飾宋儒

士蒼狗豈知秦代封風露橫陳鳴鶴鵲波濤澎湃

舞蛟龍我來朗誦靈山句清氣飄飄欲盪胸明李

攀龍九里雲松圖爲馬侍御作山林佳氣日蕭蕭

夾道長松入望遙黛色總疑天目雨寒聲不辨浙



江潮含淒風自枯鱗起倒影雲隨偃蓋飄非直有  
心同竹箭懸蘿爭敢附高標明無名氏九里雲松  
詩曾向林間構小窗臥看蒼翠擁旌幢雄聲絕似  
聞三峽秀色何須攬九江自與竹梅偕舊約不隨  
荷桂雜新腔試看樹杪悠  
颺處疑是盤空鶴一雙



靈石樵歌









靈石樵歌

靈石山在南山棲真院之上舊名積慶

山山上多奇石時時見瑞光故曰靈石中有塢曰

靈石塢路最深窈人跡罕至惟樵子往來其間山

香一曲輒與樵斧丁丁相應答巖石皆響真山中

之清籟也

明高得陽靈石樵歌詩靈石山頭樵徑連羣樵倡和石頭前猿啼鶴唳清相似

野調山腔近

自然木杪緣厓通窈窕竹根濯澗弄潺湲

白雲過處清風發

吹入長松勝管絃明凌雲翰

靈石樵歌詩

伐木丁丁澗谷春行歌落日見樵人

青山重疊自今古

黃鳥嚶鳴如主賓聲響有時諧雅調語言隨意見天真畫船

檀板西湖上

何似林泉一曲新




西湖志

卷三 名勝一

三



冷泉猿嘯









冷泉猿嘯

冷泉在雲林寺外飛來峰下峰有呼猿

洞宋僧智一善嘯嘗養猿山中臨澗長嘯聲振林

木則衆猿畢集謂之猿父故峰下至今多猿時時

聞嘯聲舊傳冷泉深廣可以通舟唐刺史元嶠作

冷泉亭於水中宋郡守毛友以水中作亭如鏡中

加繪畫因拆去之改作隄上故其詩云試尋櫓響

驚時換却聽猿啼與舊同蓋紀實也

明李畢冷泉猿嘯詩靈隱

寺外冷泉亭蘿風吹日晝冥冥猿啼一聲松子落

無數白雲生翠屏明高得暘冷泉猿嘯詩冷泉亭

外紅千樹時有老猿啼樹間逐侶出雲風動壑呼  
兒歸洞月橫山曉空蕙帳人初去秋入荷衣客未



還清響不同巫峽怨時時嫋嫋弄潺湲明凌雲翰  
冷泉猿嘯詩飛來峰高多白雲野猿啼處夜將分  
三聲忽向嶺頭度一個真如峽口聞哀雜澗泉遙  
歷歷清和蘿月白紛紛亭中白傳曾留記明日重  
來看刻文明無名氏冷泉猿嘯詩冷泉亭下北山  
陲曾見雌雄共引兒慣聽山僧朝說法能隨木客  
夜吟詩松坡日暖人游後蕙帳風寒鶴怨  
時惆悵遺音無覓處竹雞啼老海棠枝



葛嶺朝暾

西湖志

卷三

四









葛嶺朝暾

初陽臺據葛嶺之頂平行可數畝舊志

稱十月之朔海日初出炯然可觀蓋地勢旣高直  
望東北海際當日輪乍起微露一痕瞬息間霞光  
萬道天半俱赤紅若琥珀大如銅盤光景離奇倏  
忽變幻不可端倪故有東海朝暾之目但山峰高  
處皆可觀日出泰岱日觀峰其最著也近如靈隱  
之韜光亦可見而葛嶺獨以初陽名者蓋惟十月  
朔日日行之道却當臺之正面是以可觀或云日  
初起時四山皆晦惟臺上獨明山鳥羣起遙望霞



氣中時有海風蕩潏水面更有一影互相照曜傳  
是日月並升詢之故老皆云然其說雖未可信要  
之一歲之中惟此一日倘稍陰翳即不可見故見

者殊少舊志所稱或非無據也

元楊載初陽臺觀日詩彩雲相羃歷

華露共嬋娟在水渾疑墮當空孰使懸潛虬精鬼  
動宿鶴羽毛鮮寂寂丹臺夜相從訝得仙明高得  
暘葛嶺朝暘詩一道長江接海門扶桑影動浴朝  
暘銅盤迴立仙人掌金柱中撐玉女盆出水赤烏  
銜火躍隨潮白馬挾雷奔負暄亦有磯頭老欲效  
微芹獻至尊明無名氏葛嶺朝暘詩紺霧彤霞爛  
不收海門東望浪花浮超騰激澥三千界照耀閭  
浮四百州暘谷飛鳥看翕翕高岡鳴鳳自優游近  
來誰作賓王句試與重吟鷺嶺樓



孤山霽雪









孤山霽雪

孤山與斷橋相屬四時風月大略皆同

而惟雪則各擅其勝斷橋之勝在春水初生畫橋  
倒映帶以積雪則澗朗生姿故以殘雪稱孤山則  
兀峙水中後帶葛嶺高低層疊朔雪平鋪日光初  
照與全湖波光相激射璀璨奪目故以霽雪勝每  
當彤雲乍散暹旭方升或蠟屐衝寒或孤篷冒絮  
由歲寒巖經盧舍菴側入西泠橋樓臺高下晶瑩  
一色羣峰玉立迴合互映恍如置身瑤臺瓊圃之  
上也

明高得賜孤山霽雪詩山頭白石六花鋪水面青青一髻孤翠鳳搏雲朝貝闕玉鰲擎日



出冰壺梅花正好衝寒探。竹葉何妨踏凍苔。千載  
林逋留勝蹟。總因佳境在西湖。明凌雲翰孤山霽  
雪詩。快雪時晴春尚慳。梅花開遍舊孤山。入林僧  
舍宵迷路。隔岸人家晝掩關。茶鼎旋烹新水活。釣  
舟空伴白鷗閑。因思李及曾來日。童子開籠鶴未  
還。明無名氏孤山霽雪詩。雪後孤山擁畫圖。天開  
霽色炫冰壺。三竿曉日消殘凍。一派春泉入裏湖。  
放鶴山童籠未啓。觀梅野客杖還扶。就中風味誰  
能識。活火焚香付茗爐。



北關夜市

西清志

卷三

四









北關夜市 凡郭門之外皆曰關武林門在城北故

門以外皆稱北關以清湖閘上爲上關門閘下爲

下關門蓋水陸輻輳之所商賈雲集每至夕陽在

山則檣帆卸泊百貨登市故市不於日中而常至

夜分且在城闌之外無金吾之禁篝火燭照如同

白日凡自西湖歸者多集於此熙熙攘攘人影雜

沓不減元宵燈市洵熙時之景象也

明高得陽北關夜市詩北

城晚集市如林

上國流傳直到今青苧受風搖月

影絳紗籠火照春陰樓前飲伴聯游袂湖上歸人

散醉襟闌闌喧闌如晝日禁鐘未動夜將深明無

名氏北關夜市詩地遠那聞禁鼓敲依稀風景似



元宵綺羅香泛花間市燈火光分柳外橋行客醉  
窺沽酒幔游童笑逐賣餠簫太平風景今猶昔喜  
聽民間  
五袴謠



浙江秋濤


浙江秋濤

卷三

五









浙江秋濤 浙江亦名曲江枚乘七發云觀濤於廣  
陵之曲江以江勢三折故名曲焉凡江皆有潮而  
觀濤獨於浙江者由海潮逆流而上受龕赭二山  
約束感不得騁與山爭勢洶而爲濤或言其下有  
沙渾橫亘南北隔礙洪波起而爲濤一日夜再至  
歷四時皆同而秋八月尤盛方初起時遙望海門  
白光一綫少焉霜戈銀甲萬馬騰空雷擊霆砰震  
天沃日流珠濺沫飛灑天半大地若爲之動搖都  
人士女傾城出觀康熙四十二年恭逢



聖祖仁皇帝巡幸浙江

御製錢塘江潮詩一首

相傳冰岸雪崖勢滾滾掀翻湧怒濤風靜不聞千里浪  
三臨越地識江臯

康熙四十年

聖駕再巡至浙由江上幸雲棲舟中

御製詩一首

鳥道沿江問信潮石頭恬靜有歸橈轉移至險看洄湊  
盡得人防莫失調



皆恭勒穹碑建亭於臨江高岸復構層樓奉懸

御題恬波利濟四字扁額自是江靈效順潮汐以時奇瑰

之觀爰甲天下矣

晉顧愷之浙江觀潮賦臨浙江

而合岸山孤映而若浮既藏珍而納景且激波而

揚濤其中則有珊瑚明月石帆瑤瑛雕鱗采介特

種奇名崩巒填壑傾堆漸隅岑有積螺嶺有懸魚

謨茲濤之為體亦從廣而宏浚形無常而參神斯

必來以知信勢剛凌以周威質柔弱以協順晉伏

滔浙江觀潮賦若夫金祗理轡素月告望宏濤於

是鬱起重流於是電驤起沙濤而迅邁觸橫門而

尅壯灌工津而砰磕鼓赤岸而激揚鬱律煙騰隗

兀連置重疊巘而天竦泗湍辟而起漲宋羅公升

浙江觀潮賦羅子客於錢塘適時仲秋皓月初缺

長空閒寥萬里清絕乃江臯乎逍遙想故國之餘

烈已而金鏜聲轟轂戛蹄踣囂塵漲天關艇彌澤



行雲低回而不飛。山川蒼茫而異色。羅子怪而問之。客曰：子獨不聞錢塘之潮乎？天地之間有深計而海為大，海之大浮人間，其如空與太虛而億計。而海為大海之大，浮人間其如空與太虛而為對。其變化翕忽一日萬狀，而錢塘之潮為最。錢塘之潮捲海山吞，吳會力拔，震中聲出天外。其瑰偉傑特之觀，亘萬古信四時而八月既望為快。方潮之未至也，乾坤為爐，陰陽為鞴，一元之氣秋高而益盈，望舒之精霸生而變態，倒河海於累空，納萬流於一噫。陽侯捲波其欲立百神，嚴駕兮有待。及潮之既至也，怒如驚霆疾若飛雨，日車為之掀簸。風師助其呼舞，我今層冰之來千里，飛雪洶洶兮。萬馬之奔四合如堵，倏谷變以陵遷，恐山摧而嶽仆。見者膽落，聞者毛豎，於是賁育之倫、虓虎之士，因茲水嬉，以習戰事。揆文舫建彩標，破驚湍逐駭，姦駕蛟蜃以為車，履鯨鯢而成橋。大鼓搗靈鼉之革，修竿曳鮫人之綃。三山為陸，陽谷為徼，縱橫南北，合散先後，鬼沒神出，鱗甲相弔，或擁蓋以



高驤或援戈而疾剽。或觀海若而分餘甘。或叩珠  
宮而逢一笑。歡聲達於淮壖。餘風騰乎越嶠。層瀾  
既平。鼓者未息。掣鰲首。耀鯤脊。洗月窟。探地極。馮  
夷讐游龍。飢呂梁丈人。步降乎左右。蓬邱仙人逢  
迎於咫尺。此闔閭夫差之所以雄長。百蠻憑陵上  
國。也是日也。朝者休務。賈者輟市。贏糧而快覩者。  
纍屬乎八九百里。雞林日本。琉球閩婆。萬斛之舟。  
卯發而辰至。朝采夜光。珊瑚火齊。希世之珍。山積  
而雲委。茂先所不能識。弘羊所不能計。此真天下  
之巨麗也。今子重趼百舍。來游三吳。蓋將覽江山  
之偉奇。供筆墨於游戲。亦有樂於此乎。羅子遽然  
變色曰。此固吾之所以弔也。而子所以樂乎。且方  
全吳之時。左滄海以爲池。右梁山以爲郭。內重湖  
以爲襟帶。外長淮以爲籬落。水犀萬艘。石城百仞。  
乘車踵申公之策。伏軾藉延陵之信。子胥運籌於  
帷幄。孫武受鉞於行陣。前茅未啓。中原已零。談笑  
舉六千里之楚。指揮壓四十縣之晉。宋子齊姜。麋  
至於後宮。魯壺鄭縞。雨集於主進。迨夫孽臣擅朝。



艷妾供寢長虎狼於肘腋進腊毒於燕飲酣歌忘  
中庭之呼利口弛重關之禁積薪已然盲者安枕  
爰有一老身佩宗社觀大廈之欹傾忍寒蟬之啞  
啞乃逆鱗之屢批竟屬鏤之不放豈九州之莫容  
恥中道而更駕人生得死其實難猶有以見先王  
於地。下。鴟夷朝浮越甲暮入樓烏之曲未終至德  
之廟已泣。甬東之徙胡顏館娃之行莫繫委鐘簾  
於瓦礫。嘯。漁樵於都邑層臺鬼哭而燐明榮。櫓。獸  
號而鳥集。於是忠魂上訴帝閭朝啓乃錫命書以  
長茲水乘象載之輿策玉虬之駟魚須前驅龍伯  
作使。幾排山倒海之威皆鞭荆棲越之氣且夫骨  
體之臣生死一節豈生不忍去其故都而死乃致  
憾於宗國。彼濤頭之所指寧強弩之能移想乘波  
而東擊猶遺恨於會稽。薦馨香而知痛競簫鼓以  
爲嬉。雖千秋萬歲之來歸恐滄海桑田之增悲也  
嗚呼。自有天地即有此江。如此潮汐。閱幾興亡較  
朝菌於大椿。竟孰短而孰長。昔祖龍之虎視。拾六  
國其若芥。擁萬乘以絕江。投馬箠而填海。曾勒功



之未能已旁觀之欲代況乎吳越直兩蝸角并吞  
割據不出掌握朝弁冕於廟堂夕螻蟻於溝壑諒  
遺迹之幾何不足供談笑者之一噓惟夫殺身成  
仁終古不朽橫大江以揚靈真不亡而曰壽彼舍  
義以聚生徒含羞而遺臭觀乎斯潮媿汗乃走故  
吾謂明月之夕慶雲之朝澍雨降瑞雪飄名山大  
川清泉恠石之流峙奇花異卉嘉禾美竹之天喬  
皆忠臣孝子賢士大夫精神之所寓而況於潮乎  
客乃太息反顧落日覺悲風之四起忽洪濤之俱  
失唐羅隱錢塘江潮詩怒聲洶洶勢悠悠羅刹江  
邊地欲浮漫道往來存大信也知反復向平流任  
拋巨浸疑無底猛過西陵似有頭至竟朝昏誰主  
掌好騎鯨鯉問陽侯宋范仲淹和運使舍人觀潮  
詩何處潮偏盛錢塘無與儔誰能問天意獨此見  
濤頭海浦吞來盡江城打欲浮勢雄驅島嶼聲怒  
戰貔豹萬疊雲纔起千尋練不收長風方破浪一  
氣自橫秋高岸驚先裂羣源怯倒流騰凌大鯢化  
浩蕩六鼇游北客觀猶懼吳兒弄勿憂子胥忠義



者無覆巨川舟。宋蔡襄和浙江觀潮詩。地卷天回  
出海東。人間何事可爭雄。千年浪說鴟夷怒。一信  
全疑渤澥空。寂靜最宜聞夜枕。崢嶸須待駕秋風。  
尋思物理真難測。隨月虧圓亦未通。宋蘇軾八月  
十五看潮五絕。定知玉兔十分圓。已作霜風九月  
寒。寄與重門休上鉤。夜潮留向月中看。萬人鼓噪  
懾吳儂。猶似浮江老阿童。欲識潮頭高幾許。越山  
渾在浪花中。江邊身世兩悠悠。久與滄波共白頭。  
造物亦知人易老。故教江水向西流。吳兒生長狎  
濤淵。冒利輕生不自憐。東海若知明主意。應教斥  
鹵變桑田。江神河伯兩醺雞。海若東來氣吐霓。安  
得夫差水犀手。三千強弩射潮低。元黃潛浙江。觀  
潮詩。潮生潮落有時休。朝暮吳兒幾白頭。披髮祇  
誇迎駭浪。側身寧解障奔流。江吹碧瓦人聲曉。雲  
閃朱旗海氣秋。後夜月明天在水。有誰能此試登  
樓。元陳基錢塘江潮詩。千古東南詫海潮。摩挲強  
弩未全消。氣乘日月分。盤縮聲振山河欲動搖。擊  
楫中流歌慷慨。倚闌斜日鬢飄蕭。錢塘官酒秋仍



綠更與靈胥酌一瓢。元柳貫次韻曹叅政觀潮詩。  
風陣先驅入坐間。雪濤千疊湧如山。太陰成魄清  
秋正。元氣流形大信還。絳額青綃方戰罷。素車白  
馬自神閑。歸墟咫尺蓬萊島。斜日將西認髻鬟。元  
仇遠浙江潮詩。一痕初見海門生。頃刻長驅作怒  
聲。萬馬突圍天鼓碎。六鼇翻背雪山傾。遠朝魏闕  
心猶在。直上嚴灘勢始平。寄語吳兒休踏浪。天吳  
象罔正縱橫。明高得賜浙江秋濤詩。秋滿湖天八  
月中。潮頭萬丈駕西風。雲驅蛟蜃雷霆鬪。水擊鵬  
鵬渤海空。自古江山誇壯麗。至今父老說英雄。諸  
溪近海徒相應。氣勢安能與此同。明無名氏浙江  
秋濤詩。怒挾西風勢未休。滔滔何處覓安流。青山  
隔岸分吳越。白浪排空逼斗牛。鐵箭有靈來昨日  
素車遺恨已千秋。晚來試倚樟亭立。楓葉蘆花一  
望秋。宋蘇軾觀潮瑞鷗鵠詞。碧紗影裏小紅旗。儂  
是江南踏浪兒。拍手欲朝山簡醉。齊聲爭唱浪婆  
詞。西興渡口帆初落。漁浦山頭日未移。儂欲送潮  
歌底曲。樽前還唱使君詩。宋周密浙江觀潮謁金



門詞天水碧染就一江春色鰲戴雪山龍起蟄快  
風吹海立數點煙鬟青滴一杼霞綃紅濕白鳥明  
邊帆影直隔  
江聞夜笛



西湖志卷之三



西湖志卷之四

名勝二

圖下

御題雲峰四照圖

關帝祠圖

惠獻貝子祠圖

增修西湖十八景圖

湖山春社

功德崇坊



玉帶晴虹

海霞西爽

梅林歸鶴

魚沼秋蓉

蓮池松舍

寶石鳳亭

亭灣騎射

蕉石鳴琴

玉泉魚躍



鳳嶺松濤

湖心平眺

吳山大觀

天竺香市

雲棲梵徑

韜光觀海

西溪探梅



雲峰四照







聖因寺



御題雲峰四照

亭據孤山之巔全湖按如指掌倚雲

凌風遠望如在天半稍南即聖因寺琳宮梵宇寶

幢金礪一一可數旁爲四賢祠他如歲寒巖望海

石俱在左右而茲亭則巋然獨出者也亭高而虛

以天爲幕以羣山爲屏以江湖爲襟帶以城堞屋

宇爲几案游人登眺心目俱爽杜甫詩云盪胸生

層雲決眚入歸鳥殆謂是歟按周紫芝太倉稊米

集稱孤山關氏有四照閣今其故址已不可考雍

正七年總督

臣

李衛建亭於此



御題雲峰四照四字

頒賜為額憑高有臺雜樹嘉卉而牡丹尤盛花光與湖

波相映羣峰繞之卿雲糾縵如錦屏繡幄真湖山

之偉觀也

周長發雲峰四照恭賦詩振衣直上凌

去峰

從天外送青來晴浮靄疑拖黛雨散空濛

似潑醉

宸翰

標題懸日月千秋雲漢仰昭回



明心帝祠圖









西清志  
卷四  
關帝祠 裏湖金沙港在流金橋側前接丁家花家

兩山水波澄澈山色葱蘢蓋湖山絕勝處也

國朝雍正九年總督

臣

李衛修建漢關壯繆侯神祠於

金沙港之上祠臨湖面東帶蘇堤西環南北諸峰  
橫若繡障祠左築金沙堤中構玉帶橋以通車馬  
舟楫橋上架亭畫棟凌空飛簷映水翼以雕欄兩  
行雜植花木進西爲祠門南向面構層臺臨半月  
池左右爲石坊進內爲享堂達於正殿又進爲寢  
殿翼以層樓殿西爲園闢門以通徑路中爲堂三



楹進內爲敞樓樓上構平臺傑閣凌虛架空不設  
梯以登自寢殿右翼之樓啟門爲露橋以達於平  
臺徑平臺而西復折而北又折而西甃以石欄高  
一丈五尺闊一丈長四十餘丈西首盡處疊石爲  
山循級而下有池有橋橋之南爲岑樓軒窗洞啟  
盤旋而上又南爲圓亭稍西折北爲觀瀾亭又西  
南爲三角亭榱桷欄楯迥非凡式南爲假山二層  
巖石犖确出土上儼若天成中通兩徑清溪環繞  
其中山背爲舫室花木扶疎溪流環繞曲橋暗通



如行重岡複水間其西南又啟一門爲堂三楹使  
兩路皆可入園不必經由殿門也更西爲垂釣亭  
俯瞰金沙港水流屈曲北望棲霞嶺烏石峰拱列  
如環衛祠與園皆三面際水迴廊周遭低映水波  
澄澈樓臺倒影望若蓬瀛洵足以揭虔妥靈而昭

貺於無窮也

吳焯壯繆祠花園詩勝地山川秀祠  
宮景象饒平臺開碧落綺閣切丹霄

水轉金沙港

堤通玉帶橋平湖波艷艷芳砌草天

天麗日嵐光重

晴霞壯氣標空明環水國高迥接

神飈梯閣疑

螺旋釣簾看蝶飄四圍山徑曲一架

石梁翹引路

穿樓角行空度石腰魏亭三五座垂

柳百千條

側澗行來遠迴岡轉去遙鳥鳴輕管脆

魚躍細珠跳

坐望春如海人行湧似潮常看集冠




蓋畧不且漁樵大地皆同樂名園許共招神嬉靈  
豫地肅謁盛風謠



惠獻貝子祠圖









西泠志 卷四  
惠獻貝子祠 祠在錢塘門外孤山之陽巾子峰之

麓康熙十三年耿逆跳梁

聖祖仁皇帝命 康親王率師征剿于時 惠獻貝子分

勦溫台櫛風沐雨躬冒矢石操握勝算普揚威惠  
用底蕩平浙之人士咸被其澤廼闢地于茲以展  
功宗之報焉祠右有樓中有亭晴光潏灩雨色空  
濛皆在几席有古桂三株叅天蔭日佳秀葱蘢皆  
宋代舊物祠前沙隄橫帶圍繞芰荷人謂三秋桂

子十里荷花此獨兼擅其勝矣

張若震惠獻貝子祠詩派衍天潢貴



勤勞靖版章。鸞旂披草莽。衣繡飽風霜。大烈尊彝  
在豐功俎豆香。試登樓一望。山水共高長。



湖山春社









湖山春社 湖山神廟在岳鄂王祠西南前臨金沙

澗後爲烏石峰有泉發自棲霞山涓涓下流伏榛

莽中上多桃花名桃溪雍正九年總督

臣

李衛相

度地形芟蕪滌穢虛明閒敞爰創祠宇奉湖山之  
神復見迤西一隅清泉從竹徑出有蘭亭曲水之  
致闢地爲園盛蒔卉木中構高軒恭奉

欽賜

臣李衛

御書竹素園三字額懸於正中並奉

御題花枝入戶猶含潤泉水侵階乍有聲對聯一副曰



華雲爛輝映湖山右爲溪流屈曲環繞倣古人流觴之意臨水構亭亭西置舫齋曰臨花舫迤南爲水月亭後爲樓曰聚景最後爲觀瀑軒爲泉香室皆前此西湖未有之勝概也春社之日都人士女祈賽於此畫鼓靈簫喧闐竟日湖山効靈永爲

聖世開昇平之瑞矣

沈德潛湖山春社詩廟貌隣忠武魏我棟宇新湖山原有主花月豈

無神觴咏羣賢地亭臺四季春年年逢社日簫鼓競湖濱王霖湖山春社詩六橋舊賽水仙祠新構丹楹枕碧漪秋月春花原爛漫雲廊風磴更參差鈿車乍過香生幄社鼓初來風滿旗水際流觴傍修竹風光如在永和時



功德崇坊

西湖

卷四









功德崇坊 錢王祠在清波門外舊名表忠觀王豐  
功駿烈炳如日星宋蘇軾記之詳矣雍正五年

勅封誠應武肅王總督臣李衛飭屬員重建祠前表以

石楔題曰功德坊俯臨湖面沙堤平坦約數十畝  
垂楊披拂望如煙絲萬綠中丹宮碧殿掩映林表  
每當旭月初升霞光絢爛湖波蕩漾曉霧迷離恍  
見風馬雲旗昭回盱眙時也西面諸山踴躍奮迅  
而出青龍白鶴雄峙於南棲霞寶石傑聳於北三  
面皆山中涵巨浸洵神靈之奧區也於正殿之前



構堂三楹恭奉

聖祖仁皇帝御書保障江山四大字勒諸貞珉以旌靈爽

雲窗珠戶藻耀高翔遊人無不矚目焉

厲鶚功德崇坊詩吳

越勲名迴莫齊

天書

新降武都泥

崢嶸重見龍山觀

鼎鼐

猶存玉局碑

夾岸

雲霞烘畫壁

滿湖風雨捲靈旗

艤舟小住垂

楊下

願采香蘋薦一卮

朱稻孫功德崇坊詩

東南

保障

重錢王祠宇

魏我水一方

五季兵戈安社稷

千秋

廟貌肅烝嘗

林柯曾寵將軍號

溪谷還生錦

繡光

聖代


褒封加玉冊

要留功德表錢塘



玉帶晴虹

西湖志  
卷四









玉帶晴虹 金沙港在裏湖之西與蘇隄之望山橋

對適當湖南北正中雍正八年總督臣李衛樂其

形勝作隄望山橋之北名金沙隄復於隄上構石

梁以通裏湖舟楫因港中溪流湍激設三洞以醺

水狀如帶環故名橋與關壯繆祠址相接迴廊繞

水朱欄倒影金碧澄鮮橋畔花柳夾映上構紅亭

飛革高騫晴光照灼如長虹卧波橫亘霄漢與蘇

公六橋之跨虹後先輝映彌覺爛然可觀

王霖玉帶晴虹

詩金沙爍熠駕靈囂春草袍青綠玉拖雨後雲霞橫碧落月明烏鵲渡銀河水光花氣通樓閣人影



衣香炫綺羅。簫鼓叢祠春浩蕩。長虹如帶偃晴波。



海霞西爽

西湖六

卷四









海霞西爽 聖因寺之右接孤山西麓有高阜如平

臺其下為宋時西太乙宮故址上有挹翠堂望海

閣今皆無考雍正八年總督臣李衛構亭其上顏

曰西爽蓋孤山在西湖之西而亭又在孤山之西

昔人謂西山朝來致有爽氣當於斯亭得之

陳臻海霞

西爽詩手葺香茆結小亭林巒窈窕作雲屏恰從

拄笏延朝靄瞥見迴鷗起暮汀標建層層魚尾赤

山圍朶朶佛頭青畫簷近接梅花影太乙光分處

士星沈甲海霞西爽詩西麓岡如砥亭前萬象留

白涵滄海靜紅映霞流氣豁高旻曉神清虛籟

秋平連處士宅梅韻喜兼收張弈樞海霞西爽詩

雨洗蜃光玉葉疎海天晴照石亭虛乍看遠島紅

綃起靜對斜陽錦綺舒檻外直通閭闔氣座中如



接上清居菁華已壯湖  
山色不獨祥雲太史書



梅林歸鶴









梅林歸鶴 放鶴亭在孤山之陰宋和靖處士林逋  
之故廬也有墓在焉上多古梅舊傳逋於孤山植  
梅三百本歲久不存而後人補植者今已成林元  
至元間郡人陳子安以逋嘗放鶴於此爲建鶴亭  
歲久圯明嘉靖中縣令王鉞重建題曰放鶴

國朝康熙三十八年

聖祖仁皇帝南巡

駕幸亭中

御製五言詩一首



處士人何在山前夕照來亭空不見鶴磴古尚留梅楊  
柳紫煙嫩棠梨遇雨開今朝閒繫艇還是愛賢才

御書放鶴扁額並舞鶴賦大字一幅恭勒穹碑建亭於放

鶴亭之上每當梅花盛放輒有白鶴翩躚來歸處

士風節千載而下猶可想見云

陸秩梅林歸鶴詩漫山琪樹晚霏微

嘹唳胎禽薄暮歸已伴山妻居雪塢更逢仙客返

柴扉暗香深處巢丹頂疎影橫時曳縞衣最好矚

矚看戢翼封田  
月色映清輝



魚沼秋蓉

放生池









魚沼秋蓉 水心保寧寺在湖中久廢明弘治間因  
三潭舊址繞潭作埂爲湖中之湖專爲放生之所  
曰放生池重建德生堂以復宋人舊跡後燬  
國朝雍正五年更建爲寺前接

御書三潭印月亭亭後爲曲橋翼以朱欄亘於魚沼之上  
三折而入爲軒三楹又接平橋爲敞堂俯臨池面  
左右夾以修廊軒窗洞達更進爲層樓環池臨水  
栽木芙蓉花開四面五色繽紛堤上之花與水中  
花影相映如綺霞繒幔周遭圍繞楊萬里詩誰知



雲水鄉化作錦繡谷殆謂是歟

張雲錦魚沼秋蓉詩百頃琉璃似鏡

平夾堤紅艷自盈盈游鱗密藻翻秋渚  
罅晚晴乍覺影浮濠濮境只疑人住錦官城  
花近三潭發綽約仙姿下玉京陸秩魚沼秋蓉詩  
放生池畔摘湖船夾岸芙蓉照眼鮮麗日烘開鸞  
綺障紅雲裊作鳳羅纏低枝亞水翻秋月叢萼含  
霜弄曉烟更愛赤欄橋上望文鱗花底織清連



蓮池松舍









蓮池松舍 孤山路口舊有龍王堂即水仙王廟在

望湖亭之後久廢傍有荷池寬數畝常產白蓮每

花時清芬馥郁如對七寶蓮臺雍正五年改建精

舍仍以前楹祀水仙王後為樓奉白衣大士令皈

心淨域者焚修其中湘簾窳地清磬聲圓瓶中咒

水時與池上蓮花同結異香亦湖中一勝果也沈德

潛蓮池松舍詩深院晝陰沉風過識梵音綠窗斷

塵夢香閣啟禪林白拂六時課青蓮百歲心還叅

老龍像咒水作甘霖張燾蓮池松舍詩焚香習靜

閉茅菴謾謾松風繞碧潭黛色千尋原落落梵音

五夜自喃喃花開優鉢當窗戶樹號杪櫺近佛龕

欲向三車尋寶筏散花人與證瞿曇沈甲蓮池松



舍詩祠堂重賽水仙王徑轉孤山梵宇涼更現潮  
音湧蓮座六時鐘磬入雲香掩關仙唄靜無譁佛  
界莊嚴隱水涯滿地松陰  
清晝永禪心長對白蓮花



寶石鳳亭

西湖

卷四









寶石鳳亭

石甌山一名寶石山在錢塘門外形似

翔鳳上有保叔塔高倚天外塔下有寺舊名崇壽  
院僧寮依山而居石壁峭立下臨無地梵唄之音  
出自林杪洵夔絕之境也亭下南望平湖水天滉  
漾湖南諸山蜿蜒起伏如在掌上北望平疇萬畝  
溝塍連接原隰縱橫雞犬桑麻屋廬人物皆可指  
數東則煙火萬家覩市廛之盛西則林巒千疊攬  
靈竺之奇昔山側有天然圖畫閣燬於火總督臣  
李衛構亭曰來鳳值清秋氣爽木落天高巖石瘦



削風景特異九日登臨履綦交錯雖龍山戲馬未

足方斯盛也

厲鶚寶石山亭詩雕亭高聳緩躋攀

猶言吳越舊封山

周本孝寶石鳳亭詩寶石嵯峨

結小亭

重重梯磴上高冥壁通海眼疑流乳崖卓

雲根認

墜星湖水四圍涵淡白嵐光三面送

遙青

天風擊戛聞鸞吹彷彿中宵和梵鈴



亭灣騎射



射亭

歸帝廟







亭灣騎射

出湧金門沿湖而北稍折而西水流灣

曲舊有亭久廢名亭子灣倚城面湖延緣數百步

平沙淺草可容騎射總督

臣

李衛於水際構亭爲

較閱之所稍南建關帝廟濱湖垂柳萬株間以桃

杏梅李入夏新荷浮水紅葩綠葉彌望無際白居易

易詩所云繞郭荷花三十里是也每當較閱時鐵

騎屯雲朱旗耀日弓刀競響鼓角俱鳴而魚鳥不

驚花柳爭放軍容武備照耀山川誠盛世之規模

太平之景象也若夫馬蹄旣散人影漸稀樵唱歸



來漁歌載起則又煙水空明林亭幽靚別開湖中

靜境矣

沈德潛亭灣騎射詩雉堞迴環處孤亭突兀間弓刀方競響花竹有餘閒近水涵明

鏡遙嵐露曉鬟昔賢同此樂為憶白香山注沆亭

灣騎射詩倚堞沙堤玉玦如風櫺水檻結亭虛遠

亭一昔催花雨便有人乘油壁車大好西湖二月

中堤平如掌草青葱分曹挾馬調金埒小隊鳴笳

試柘弓擘柳吹花上巳前酒人到處弄冰絃湧金

門外春如海亭子灣邊好放船不須到岸首重回

亞水紅闌次第開正是承平好時節年年騶騎探

春來商盤亭灣騎射詩細雨如酥不漾塵元戎小

隊早行春彎弓盤馬城西路別樣長畫裏人水

亭欄檻俯春波角勝分曹控騎過莫逞健兒身手

好太平久

已戢干戈



蕉石鳴琴









蕉石鳴琴 丁家山在金沙港西南上有岡阜俯瞰

全湖與北岸之烏石峰棲霞嶺相拱揖

國朝雍正九年總督臣李衛既修濬西湖爰芟刈榛穢

闢磴道數十級延緣而登於山半置亭以爲憩息

之所更上爲八角亭題小序爲額亭外懸崖數仞

護以石欄黛色波光如在堦城更進爲舫室數楹

牕檻玲瓏湖淥遠映恍疑乘槎天漢舫前竒石林

立狀類芭蕉題曰蕉石山房石根天然一池泉從

石罅出漣漣作聲演清漾碧臨池復置小軒頗極



靜潔磴道之南石壁高丈許前一石卓立障如屏  
風遂稱蕉屏屏以內度石牀石几瑩潤無滓時攜  
焦尾琴作梅花三弄古音疏越響入秋雲高山流  
水輒於此間遇之周長發蕉石鳴琴詩岸舫牽來  
石骨鳴清籟風剥蕉心響細泉拜丈未應逢海嶽  
刺船端擬遇成連何妨暫洗箏琶耳來就山居枕  
石眠汪沆蕉石鳴琴詩西湖羅綺叢歌吹日夕競  
疇能攜枯桐盡洗靡靡聽臧懼丁家山策杖上澗  
磴拔地一片石清潤蔽苔徑紋裂斜界紙葉葉似  
掩映小憇滌塵喧松風引清興臨流一再彈冷然  
虛竇應畢景吹商飈餘音入波冷



玉泉魚躍









玉泉魚躍 玉泉在清漣寺內發源西山伏流數十里至此始見色清而味甘甃石爲池方廣三丈許清澈見底中畜五色魚浮沉上下鱗鬣可數投以香餌則揚鬣而來吞之輒去有相忘江湖之適康熙二十八年

聖祖仁皇帝南巡幸寺

御製七言詩一首

度嶺穿雲路始平  
停鑣聊憩小池清  
游魚自有悠然意  
豈識乾坤造物宏



雍正六年總督臣李衛於泉上建亭榜曰洗心左

右夾以迴廊環以曲檻游人憑檻而坐魚亦不驚

泉流四達灌漑沿湖之田餘波會注於金沙港云

趙信玉泉魚躍詩古寺寒泉裏遨遊金碧魚聽經  
朝誦後得食午齋餘網罟從無患江湖或不如洗  
心應有客亭畔每踟躕



鳳嶺松濤

卷四



觀風偶記

萬松嶺







鳳嶺松濤 萬松嶺在鳳凰山上夾道栽松白居易

詩萬株松樹青山上蓋謂是也南宋時密邇宮禁

紅墻碧瓦高下鱗次上有門曰萬松坊州城既改

平爲大塗而松亦無幾茲嶺爲會城來脉所關宜

培陰木且爲南北上下通衢行人復資蔭暍雍正

八年補植萬株以還舊觀天風擊戛如洪濤澎湃

時與江上潮聲相應答云

周長發鳳嶺松濤詩丹崖翠壁自重重長吼濤

聲萬樹松籟戛渾疑青蓋舞巖深時倩白雲封蒼

皮溜雨千尋直黛色參天百礪涼栽植未須多歲

月青鱗已作老虬龍趙賢鳳嶺松濤詩八蟠西嶺

路迢迢行盡松岡暑氣消只要風來山便響方知



不是海門潮。商盤鳳嶺松。濤詩曉登芙蓉巖。奇石  
青玲瓏。江湖入遠眺。宿霧開濛濛。巖下何所有。夾  
道羅長松。扶疎切霄漢。蒼翠兼春冬。閱世六百年。  
昔傍南宋宮。繚垣失舊址。瓦礫留青紅。喬木半非  
故。尚擁城堞雄。  
聖朝雨露多。草木皆菁蔥。此松含厚澤。不藉秦時封。新  
植千萬株。一成一虬龍。古釵無人收。散落苔蘚中。  
我攜竹杖行。快御冷然風。怒馬蹴踏來。天籟何蓬  
蓬。驚濤向身瀉。濕此塵土胃。承平異偏安。重譯車  
書通萬松。蔭萬人欲論屏翰功。靈胥挾天吳。足練  
浮素空。松聲早晚至。潮汐將毋  
同。安得水犀軍。一鬪蒼髯翁。



湖心平眺

西湖志

卷四









湖心平眺 湖心亭居全湖中心四面臨水西向正  
對南北兩峰左右翼以雕欄花柳掩映上爲層樓  
憑欄四望羣山環立如屏康熙三十八年

聖祖仁皇帝臨幸西湖

御書靜觀萬類四字懸於亭楣又書亭聯云

波湧湖光遠

山催水色深

御製五言律詩一首

湖光開潋灩臨幸及芳時微翠堆山色輕香拂水湄浮



雲看自動畫鷁覺平移靜坐觀羣類資生得所宜

又於樓上

御書天然圖畫額

御製五言絕句一首

水上起樓臺湖面平如鏡春風吟柳條遠與山光映

皆恭摹勒石立於亭中以垂萬古斯亭之勝爰甲

天下矣雍正五年重加增葺後啟敞堂三楹堂後

爲水軒架於湖面與雉堞相望雕甍畫檻金碧爛

然白居易詩云蓬萊宮在水中央非虛語也

詩見園亭



吳山大觀









西湖志 卷四  
吳山大觀 大觀臺在紫陽山之巔下爲龍神廟

聖祖仁皇帝嘗駐蹕於此

御製詩一首

左控長江右控湖萬家煙火接康衢偶來絕頂憑虛望  
似向雲霄展畫圖

聖藻輝山川煥采每當秋濤初壯東望海門汪洋澎湃  
直趨富春然後潮平岸闊風正帆懸一舉目間江  
山如畫矣至若湖上諸峰競秀爭奇堆青潑黛澄  
湖萬頃樓臺金碧攬之都在襟袖其下市廛鱗次



煙火萬家銅街綺陌接棟連甍白居易詩大屋簷  
多裝鴈齒於今尤信至四時花鳥之盛雲物之奇  
氣象之雄繁華之勝莫不於斯臺得之洵浙右之

大觀也

謝履忠登吳山大觀臺詩曲磴盤紆上憑  
高獨倚臺江流駢海去山勢跨城來澹澹

炊煙合依依夕照回

天章真煥發喜對畫圖開沈德潛吳山大觀詩千尺峯

頭策杖藜大觀臺榭俯丹梯玲瓏石竇隣仙窟璀璨

龍章拱玉題湖影長堤分內外江流全浙劃東西憑高

無限蒼茫意一抹遙山指會稽吳焯吳山大觀浣

溪紗詞蠟屐登登點翠苔緣坡繡草簇金釵每乘

秋色獨登臺白鳥掠陰移浦出寒雲飄絮截江來

蕭山半

夕陽開



天竺香市









天竺香市

三天竺在北高峰下靈隱寺之南武林

舊事云靈竺之勝周回數十里巖壑尤美自飛來  
峰轉至下竺寺後諸巖洞皆嵌空玲瓏瑩滑清潤  
如虬龍瑞鳳如層華吐萼如皺縠疊浪穿幽透深  
不可名貌林木皆自巖骨拔起不土而生傳言茲  
山韞玉故腴潤若此由下竺而進夾道溪流有聲  
所在多山橋野店方春時鄉民扶老攜幼焚香頂  
禮大士以祝豐年香車寶馬絡繹於道更有自遠  
方負擔而至者名曰香客凡自普陀回向未有不



至此者三寺相去里許皆極宏麗大士寶像各有  
化身不相沿襲晨鐘暮鼓彼此間作高僧徒侶相  
聚焚脩真佛國也雍正九年欽奉

勅旨發內帑重建上竺殿宇寶刹名藍永爲湖山增勝

矣

張爲儀天竺香市詩高峰靈鷲鬱崔嵬稽首旃  
檀布施來繚繞篆煙蒼藟室氤氲香氣雨花臺

覺輪宛轉疑飛錫弱水空濛欲渡杯  
我亦皈依向淨域祇園一瓣此徘徊



雲栖梵徑









雲栖梵徑 雲栖在五雲山之西舊傳山上時有五  
色瑞雲盤旋其處已而飛集塢中時人異之號雲  
棲塢前繞大江沿江取路而入行萬竹中石徑幽  
窄仰不見日色高下屈曲延緣數十里轉入轉深  
不辨所出但聞啼鳥聲山半有洗心亭爲游人憩  
息之所行久漸聞鐘磬聲則雲栖寺在焉寺吳越  
時建後名棲真明隆萬間釋袞宏號蓮池者居之  
復稱雲棲康熙二十八年

聖祖仁皇帝南巡幸寺



御製五言詩一首

山徑紆徐合溪聲到處聞竹深陰戛日木古勢干雲倚  
檻聽啼鳥攀厓採異芬韶華春已半萬物各欣欣

三十八年再幸寺中

御書雲栖二字靈山勝概遂彪炳於天壤間矣每至中宵

梵唄之聲不絕朝魚暮鼓與天籟相應答游人至

此豁然心開萬慮頓釋如置身蓮臺之上也

沈甲雲棲

梵徑詩五雲多處擁雙林山勢西來俯碧潯嶺複  
岡重靈木合江迴溪抱梵宮深路邊竹密能消暑  
亭下泉清自洗心鹿苑不將  
塵世隔好乘佳日愜登臨



韜光觀海

西湖志

卷四

四









西清集  
卷四  
三  
韜光觀海

從靈隱羅漢堂而西逕路屈曲筠篁夾

植草樹蒙密晨曦穿漏如行深谷中山僧剡竹引  
泉隨磴道盤折琤琤作琴筑聲傾耳可聽援蘿挽  
葛約三四里始達韜光菴懸崖結屋勢若凌空菴  
後小軒數楹山窗礪戶明淨無滓泉涓石隙匯爲  
深池金鯽數頭或潛或躍微颺暫拂飛溜寒生五  
六月中無暑氣上至寺頂有石樓方丈正對錢塘  
江江盡處即海洪濤浩渺與天相接十洲三山如  
在目睫故唐人宋之問詩有樓觀滄海日門對浙



江潮之句又楊巨源詩亦云曾過靈隱江邊寺獨

宿東樓看海門賦靈隱者多矣寫景工妙無以踰

此

毛先舒韜光海日詩龍潭驚嶺天下奇韜光更

山僧邀我山中宿乘興攜筇踏巖谷便應晞髮卧

峰頭俯聽簷鈴和風竹夜深月落靜羣籟隔樹天

河若紫帶須臾微紅乍起看瞳矇正掛扶桑外天

浮海滴見俄頃不覺此身在西嶺誰持青鏡寫臙

脂閃爍窗前無定影滄波一半吹紫濤良久不見

東方高凌風欲下更開張天水茫茫兩搖漾紺殿

紅樓黯欲開下方始聽雞三唱汪沆韜光觀海詩

白雲閱青隲石瀨鳴濺濺曲磴翳松竹翠靄含春

煙半空人語響十笏樓其巔開軒正東望江湖羅

眼前江光忽隱隱一白海接天想見龕赭下潮沙

方回游遐抱旣披豁欲去仍沿緣金蓮不可

見池水空淪漣待看扶桑出直借僧榻眠



西溪探梅









西溪探梅

西溪在西湖北山之陰由寶石山背陸

行繞秦亭山沿山十八里爲宋時輦路抵留下相  
傳高宗定都臨安時欲居此後卜地於鳳凰山遂  
云西溪且留下因名水道由松木塲入古蕩溪流  
淺狹不容巨舟自古蕩而西並稱西溪曲水彎環  
羣山四繞名園古刹前後踵接又多蘆汀沙澹重  
重隔斷置畧約以通行人有車馬所不能至者洪  
瞻祖西溪志云山徑幽邃直薄餘杭界逆受南湖  
之浸橫山環之凡三十六里水出錢塘江是以西



溪之勝獨在於水有南漳湖俗稱河水又稱渦水  
四望皆蘆葦宋時西溪百咏題曰薰葭深處又有  
永興湖湖面稍闊四圍皆蓮蕩花時可載畫舫他  
如村帶安前花市花塢諸處盡皆沃壤其地宜稻  
宜蔬宜竹其水宜魚而獨盛於梅花蓋居民以梅  
爲業種梅處不事雜植且勤加修護本極大而有  
致又多臨水早春花時舟從梅樹下入繚漫如雪  
更有緗英綠萼花種不一以永興寺前二株爲最  
而華亭石塢之間有泉一泓雪漚旋起作梅花瓣



若與溪上之梅相似亦一奇也康熙三十八年

聖祖仁皇帝南巡浙西

駕幸西溪

御製五言詩一首

十里清溪曲修篁入望森暖催梅信早水落草痕深俗  
藉魚爲業園饒筍作林民風愛淳樸不厭一登臨

遂奉

旨禁樵採至今居民咸樂耕漁之業而梅竹茶筍之利四

時不絕是西溪著勝又不獨在山水間也

沈德潛  
西溪探



梅詩路轉秦亭山。溪流響幽咽。居人數百家。村市  
藏曲折。傍水編疎籬。開門蔭清樾。婚嫁半樵牧。盤  
殮雜筍蕨。託業在種樹。生意看芽枿。我來值春初。  
言訪梅花窟。十里五里間。千堆萬堆雪。山家領野  
趣。僧房證禪悅。隨身攜襪被。偃卧白雲潔。更欲窮  
溪源。藉此小艇活。何處洞霄宮。雲煙指天末。商盤  
西溪探梅詩。蕭蕭雪意冷。詩懷應有寒。香遍水涯  
認得秦亭山下路。一條藤杖兩芒鞋。亞枝蹇蹇掠  
衣襟。路入蒹葭深更深。未到永興先一笑。數聲翠  
羽出瑤林。三家五家臨水住。千樹萬樹衝寒開。領  
取昇平好風景。探春人向早春來。燕臺暖室養唐  
花。未覩仙姿萼綠華。七載西溪重識面。薄雲小月  
家野人。







